

الحب قسمه ونصيب

نفسنا ف شاعر ينفعنا ويراعي إحساسنا ومشاعرنا ويقوم
بحل مشاكلنا

مش شاعر نعيش معاه أوهام باسم الحب والغرام والآخر
هاندفع تمن إجرامنا

الحب قسمه ونصيب وربنا وحده بس هو آلي بيحدد هونا.

يبقى مالوش لازمه الكلام والكتابه عمال ع بطل ونعيش
معاه أوهام مش موجودة غير بس ف خيالنا

كما تدين تدان وربنا ووضع حدود وأحكام تفدنا وتنفعنا
وتكون دافع لدخولنا الجنة وإحنا وإختيارنا.

ليه نفسد أجيال باسم العشق والغرام ونغوص ف بحور
الشيطان صدقوني مش هانفعنا

كل وقت وله أدان وف حساب بعد الموت هايجمعنا.

ياللي كتبت عن الغزل وكنت فرحان شوف النتيجة لما ربك
يجمعنا.

حللت الحرام وعملت منه مضمون ومعنى ونسيت ان ربك
مطلع ع أعمالنا

اهدى واصلح الأخطاء دا العمر لسه قدامنا وبلاش لف
ودوران دي مراتك أولى والعكس صحيح يا صاحبة الجمال
والعفه آلي شاغله دايمًا تفكرنا

ما تقولش قيس وليلي ولا عنتر وعبله دول مش صحابه
ياخوانا

دي قصيده مهمه ولازم تلفت نظرنا ونقول ان الشاعر رساله
مهمه وبإبداعه هايرح قلوبنا

ويذيل همومنا و يقربنا من اللي خلقنا بكلام جميل له معنى
يسعدنا ويخلي الإيمان مسيطر ع عقولنا.

والنفوس صافيه ونعيش سعادة داخل بيوتنا ونرضى باللي
ربنا كاتبوها.

شاعر العصر صاحب كلمه لها مضمون ومعنى يفيدنا و
ينفعنا بقصيده جميله تنال إعجابنا
وتحسن دائما من أخلاقنا وتذكرنا باللي خلقنا وداوي همومنا
و أوجاعنا..